



Komunikado

21 di yùni 2022

Cft tokante Bonaire: "Awor ta e momentu desisivo"

Kralendijk – Bonaire kier yega na un deklarashon aprobatorio di akountent pa e kuenta anual di 2022. Den e Akuerdo di Governashon ku a sera resientemente esaki a keda inkluí tambe. Pa logra esaki, ainda ta nesesario pa tuma algun paso esensial den e próksimo lunanan, a resultá tambe for di e kòmbersashon ku Kolegio di supervishon finansiero (Cft) a hiba ku Kolegio Ehekutivo di Bonaire. Ta di importansia tambe pa promé ku fin di aña renobá e konvenio entre e Servisio di Impuesto di Hulanda Karibense (BCN) i Entidat Públiko Bonaire (OLB).

Maneho finansiero

Bonaire ta progresando gradualmente riba tereno di maneho finansiero. Akountent a aprobá e balans final di 31 di desèmber 2021, pero pa e kuenta anual di 2021 el a entregá un apstenshon di opinion tokante su nivel di eksaktitut i e legitimidat finansiero. Ademas e akountent a indiká ku por spera ku, bou di restriksion ku kalidat di maneho finansiero i organisashon atministrativo i kòntrol interno (OA/CI) ta kontinuá i ta sigui mehorá esakinan, e lo por entregá un deklarashon aprobatorio di kòntrol pa e aña fiskal 2022.

E resultadonan di e kòntrol provishonal di e akountent eksterno, ku segun planifikashon lo keda finalisá na òktober, ta di krusial importansia den e trayekto ei. Cft a urgí Kolegio Ehekutivo tambe pa presentá promé ku 30 di yùni un reportahe di ehekushon ahustá di e promé kuartal, kual ta kumpli ku e rekerimentunan legal.

Maneho di tereno

Repetidamente Cft a muestra riba e nesensidat di stipulá mas pronto posibel un maneho di tereno. Te awe no a duna contenido na esaki. Esaki ta nifiká ku Bonaire te ainda no ta kumpli kompletamente ku su responsabilidadat legal manera formulá den e Dekreto di Presupuesto i Responsabilisashon di e Entidatnan Públiko BES (BBV BES). Komo parti di e Akuerdo di Governashon Bonaire, a produsí un nota di kuadro di maneho di tereno, den kual a desaroyá e vishon di maneho di tereno. Ta di importansia pa presentá e nota di kuadro di maneho di tereno nobo mas pronto posibel na Konseho Insular pa su aprobashon definitivo.

Kòmbersashon BCN

Den kòmbersashon ku BCN Cft a tuma nota do e desaroyonan denter di e organisashon. A konstatá ku pa prosesamentu i kobransa di impuestonan insular ta importante pa akordá mas lihé posibel e konbenio nobo entre BCN i OLB. Mester pone suministroo di informashon adekuá entre BCN i OLB na u nivel mas haltu.

Riba 21 di yùni 2022 Cft BES a hasi un bishita na Bonaire i a hiba kòmbersashon ku Kolegio Ehekutivo, Konseho Insular i BCN.

[Fin di Komunikado]



Fotógrafa:

Ton Verkuijlen

Teksto ku foto:

Boneiro mester kontinuá ku su progreso riba tereno di maneho finansiero i pronto mester stipulá su maneho di tereno.

Nota pa redakshon – no pa publikashon

Kontakto na Cft:

Sekretariado Kolegionan di supervishon finansiero

Telefòn +5999 461-9081 / +5999 461-9082 / +5999 461-9084

Email info@cft.cw

Website www.cft.cw

Persona di kontakto pa prensa:

Jefka Alberto

Telefòn +5999 512-6861